

《中國歷代書院志》弁言

書院之名，始於唐代，原意爲藏書而兼校書之所。清袁枚曰：「書院之名起唐玄宗時，麗正書院、集賢書院，皆建於朝省，爲修書之地，非士子肄業之所也。」（《隨園隨筆》卷十四）稽之史籍，斯說誠然。《新唐書·百官志》云：「開元五年，乾元殿寫四部書，置乾元殿使，有刊正官四人，以一人判事，押院中使一人，掌出入宣奏，領中官，監守院門；知書官八人，分掌四庫書。六年，乾元院更號麗正修書院，置使及檢校官，改修書官爲麗正殿直學士。八年，加文字直，又加修撰校理刊正校勘官。十一年，置麗正院修書學士。光順門外亦置書院。十二年，東都明福門外，亦置麗正書院。十三年，改麗正修書院爲集賢殿書院。」《舊唐書·張說傳》云：「因下制改麗正書院爲集賢殿書院，授說（張說）集賢院學士，知院事。」《唐六典》云：「開元十三年，改集賢殿修書所爲集賢殿書院。」宋王應麟《玉海》云：「開元十一年春，於大明宮光順門外造麗正書院。」據上所引，麗正書院、集賢書院，只是始用了書院名稱，并非是具有學校性質的書院。唐代以前，中國尚無印刷術，竹簡木策，絹帛繭紙，刀刻筆抄，流布甚少，書籍向爲官府、貴族所有。歷代兵燹以後，官府均搜求遺書於天下，民間所獻，均貢之於朝廷，藏之於秘府，并代有校書修書之舉。既須校書，必賴藏書。故漢有東觀、蘭臺、石室、仁壽閣，南朝梁有文德殿，北朝齊有文林館，隋有嘉則殿。名稱雖異，性質實同。至唐玄宗時則稱爲書院，其地均爲藏書而兼校書之所。

後世所言具有學校性質的書院，是學者自動集結讀書講習、聚徒傳業的場所。這種相對於官

學的私學，源遠流長。中國古代的私學，興起於春秋戰國之際，皆謂肇端於孔丘，隆盛於稷下，私塾家學，歷久不衰。自漢至隋，私家授學之地，稱精舍、精廬，至唐則有稱書院者。民間士人私家藏書、讀書、校書之所，稱為學舍、書舍、書堂、書屋、書樓、書院，在唐代詩文及方志中記載甚夥。在《全唐詩》中以書院為題的詩篇就有十餘首，例如：盧綸《同耿拾遺春中題第四郎新修書院》、《宴趙氏昆季書院因學會文并率爾題贈》，王建《杜中丞書院新移小竹》，楊巨源《題五老峰下費君書院》，楊發《南溪書院》，李群玉《書院二小松》，賈島《田將軍書院》，呂溫《同恭日題尋真觀李寬中秀才書院》，等等。中唐以後，政治混濁，官學廢壞，士人避亂於比較安定的鄉郊山林，學者相與集結，擇地讀書講習，於是乎私學興焉。誠如宋王應麟《玉海》云：「前代庠序不修，士病無所於學，相與擇勝地，立精舍，為群居講習之所。」元歐陽玄《貞文書院記》云：「以故家積書之多，學者就其書之所在而讀之，因號為書院。」從而使上述私家藏書、讀書、校書的書院，逐漸演化為學者講學授徒、士子求師讀書的場所。這就使過去僅有藏書樓、圖書館性質的書院發生了質變，成為具有學校性質的書院。

最初的具有學校性質的書院，是在私家聚書藏書的基礎上產生并發展起來的，初創階段，大多形制簡單。如白鹿洞書院，原系唐寶曆中江州刺史李渤早年的隱居讀書處，渤即其地創臺榭，植花木；嶽麓書院，原系宋開寶九年潭州守朱洞始建，作講堂五間，齋序五十二間，以待四方學者。只是到了宋代，方至盛行，誠如宋呂祖謙《鹿洞書院記》云：「竊嘗聞之諸公長者，國初斯民新脫五季鋒鏑之厄，學者尚寡，海內向平，文風日起，儒生往往依山林即閒曠以講授，大率多至數十百人。」至宋初，遂有後世「四大書院」之稱。而所謂四大書院，在文獻記載中所指略有異同。《文獻

通考》所載是白鹿洞、石鼓、應天、嶽麓，《玉海》則有嵩陽而無石鼓。據此，則可知當時較大的書院已有五六所，它們代表着中國古代最早的書院。

書院自創建以來，代有興廢。宋初書院繁榮，後由於仁宗朝復制舉各科，并詔州縣立學，神宗朝更設科舉以取士，以致官學興而私學衰，書院沉寂至南宋初年。書院的復興，以朱熹重建白鹿洞書院為標志。朱熹於淳熙六年守南康軍，該年秋呈文請修復白鹿洞書院，次年告成。其後書院遂日見興盛，據《文獻通考》記載，南宋後期海內請御書賜額的書院甚多，寧宗、理宗、度宗三朝共御書賜額書院二十餘所，這些都是當時規模較大的書院。到了元代以後，書院日漸增多。元代所建書院，首推燕京的太極書院。及至於明代，各省均有書院，州縣亦有書院。只是到了明嘉靖後，書院曾罹三次毀變。第一次毀廢在嘉靖十六、十七年，《續文獻通考》、《明通鑑》皆謂，罷各處私創書院。第二次毀廢在萬曆七年，張居正當權，據《明史》、《野獲編》載：「七年春正月戊辰，詔毀天下書院。」第三次毀廢在天啓五年，閹黨魏忠賢秉政，據《明儒學案》、《明紀綱目》載，魏閹在毀廢顧憲成之東林書院、鄒元標之首善書院後，遂矯旨盡毀天下書院。經數次摧毀，書院由盛而衰。至清，康熙乾嘉數朝，大力提倡。雍正十一年，命各省就省城建立書院；乾隆元年，頒上諭，嘉獎書院。賢令所至，亦皆以興教為先，更復親詣書院，躬為講解，其禮賢下士，尊師重道，身先為之倡，誠可嘉也。經提倡，清代書院日益隆盛。而自咸同以後，書院大多成為科舉考試的附庸，不隨波逐流的書院，僅有廣州學海堂、杭州詒經精舍、江蘇江陰南菁書院等數家。至光緒二十七年，詔改全國的書院為學堂，歷唐宋元明清數朝九百多年的中國書院制度，遂成為中國教育史上的陳迹。

中國古代書院，在它長期發展的歷程中，在辦學方面和教學方面都積累了豐富的經驗。這些

經驗中的精華部分，構成了中國教育史上的一種優良傳統。研究和總結這份寶貴遺產，對我們今天發展教育科學，推動教育改革，建設精神文明，都有着現實意義。不僅如此，它對於全面瞭解唐宋以來的中國教育發展史、中國學術思想史，以至於中國文化史，也都是不可或缺的。要開展書院研究工作，就必須詳細地占有資料。書院情況的記載，起初散見於各種文獻典籍中，例如，《全唐文》中刊有南唐徐鉉《陳氏書堂記》，宋范仲淹《范文正公集》中有《南京書院題名記》，宋王禹偁《小畜集》中有《潭州嶽麓書院記》，等等；記載相對集中的則有《玉海》、《文獻通考》、《續文獻通考》等類書。記載某個書院各方面資料的志書即書院志的編撰，約始於明代。這類書院專志實際上是所載書院的檔案資料。清嘉慶六年，阮元主學政於浙江時，選輯杭州詁經精舍創辦初期高材生的優秀課卷和主講者程作，付梓為《詁經精舍文集》，開清代書院選刻課藝之風氣。嗣後，一些品位高、規模大、聲名顯的書院率多仿效，如江蘇江陰南菁書院刊刻《南菁講舍文集》六卷，藏版院中。書院的志書與課藝，遂成為我們今天瞭解和研究古代書院各方面情況的不可多得的原始史料。

江蘇教育出版社為保存珍貴文獻，弘揚優秀文化，特多方蒐求散藏於海內各地公私諸家的書院志古本、珍本、孤本、稿本，精心編輯整理，彙集為編，影印出版，顏曰《中國歷代書院志》。參與本書編輯工作的有：趙所生、薛正興、薛飛、胡慧斌、王劍、王華寶。我們相信，《中國歷代書院志》的編輯出版，將對中國古代書院研究、中國古代教育史研究，以至於對中國古代文化研究，會起到推動和促進的作用。

趙所生 薛正興

《中國歷代書院志》凡例

一、本叢書共選收中國歷代的書院志等一百十五種，種類包括書院志、書院章程、課藝、書田志等。

二、本叢書所選收的志書，其編纂年代的下限爲一九四九年。

三、本叢書所選收的志書，大體依內容歸類，書院志、課藝爲兩大部分。

四、本叢書所選收的志書，凡有續修、續編、補編等，均加以搜集，彙印於原書之後。

五、本叢書所選收的志書，每種均加出版說明，說明影印所據的版本。原書如有蠹損、殘缺、漫漶不清處，原則上都予以換頁、補頁、修描，以便閱讀。

六、部分原書由於種種原因已成孤本，該書的殘缺之處只得仍付闕如。

七、本叢書第一冊編有全書的總目錄，每冊均有該冊目錄，每冊皆新編頁碼，每冊的頁碼自爲起迄。

江蘇書院志初稿

柳詒徵

書院始於唐而盛於宋。江蘇當北宋時，惟茅山有侯遺自剏之書院。雖撥官田，殆猶家塾。

景定建康志天聖二年處士侯遺於茅山營書院教授生徒積十餘年自營糧食王隨奏欲於茅山齋糧莊田內量給三頃充書院贍用從之

至順鎮江志茅山書院在金壇縣南五里顧龍山之麓宋天聖中侯先生仲逸創建於三茅山後為崇禧觀所據

金壇縣西有三茅山侯先生仲逸創置書院以教其

鄉人仁宗朝賜以東帛先生及其後廢弛居空徒散地為崇禧觀包入咸淳續志又云宋國初時置未詳所本

端平中漫塘劉宰再創於三角山尋復廢淳祐中總領兼郡王埜乃草創

淳祐六年總領王埜兼郡事會茅山

道士有田產沒官因下其事知縣孫子秀使往營度草創書院以其所沒田為教養資

開慶間復為勢家所奪咸淳七年乃徙建今所屋凡二十七間

先聖廟大成殿三間兩廡各三

間 先賢祠在殿後東偏祀濂溪明道伊川橫渠康節涑水晦庵南軒東萊漫塘實齋魯齋諸先生并處士侯先生為一室 明誠

堂三間在殿後兩廡為齋四曰明德止善正心修身

祭器

尊二每二爵一杓二爵十三站十二組十一豆祭服衣裳皮弁瓊玉佩各四

學產田六頃三十七

畝三分四釐

免官賦一頃二十三畝一分三釐地一十一畝一分六釐官賦

租稅糧二百九石九斗七升

米一百九十三石三斗四升小麥一十六石一斗三升鈔九十貫

並納中統鈔

康熙茅山志侯學士遺字仲逸

詒按當作逸

家縣西營分俸以濟鄉鄰衆德之名其里為通德鄉後居茅山營剏書院教授生徒兼飲食之

積十有餘歲天聖二年王隨知江寧府奏請於三茅齋糧莊田內量給三頃充書院贍用從之

乾隆江南通志茅山書院在金壇縣茅山宋天聖中侯仲逸創建教授生徒知府事王隨奏給田三頃充書院用後為崇禧觀所併端

平中再建于三角山尋圯淳祐中郡守王埜復之未幾又圯咸淳七年更建于顧龍山今改為圓通庵

泰州有晏殊所剏之書院。地望可攷。莫詳其名。

專著 江蘇書院志初稿

江蘇省立國學圖書館第四年刊

二

退庵筆記州志名宦晏公殊嘗官泰州西溪鎮鎮有書院公所建考元獻官西溪在真宗朝所建書院不知何名泰之有書院惟此爲最久越二百餘年州守程公垓始有安定書院之建而元獻實開其先東臺縣志云晏溪書院在西溪鎮宋晏元獻讀書處遺跡久廢夫晏溪本名西溪後人思公改名晏溪因並其所建書院亦以晏溪名示不忘也非公創建書院時便有此名如縣志所云似後人因公讀書處而建書院非公官西溪政績矣恐未可據此等故實舍州乘別無可考自當以從泰州舊志爲正

南宋時溧陽有金淵書院。

溧陽縣志金淵書院在縣治東北紹興間知縣施祐建明宣德間改爲都察院行館萬曆間邑人副使史繼志建屋數間爲士子肄業地久而垣棟積廢其孫庠生史夢帆修葺佃居今廢

常州有龜山及城南書院。

武進陽湖合志龜山書院在陽湖定東鄉夾城圖宋時建紹定三年重修城南書院在陽湖昇西鄉殷薛鎮宋淳熙間知常州楊萬里建

無錫有遂初書院。

無錫金匱縣志遂初書院宋尤文簡表建在惠山第二峯下久廢

嘉定有北府書院。其規制不可詳考。

嘉定縣志宋北府書院在拱星橋北錄制襲天定建

講學之所著稱歷代者當首推明道書院。

乾隆江南通志明道書院在江寧府鎮淮橋東北宋淳熙初留守劉珙以程子願嘗爲上元簿記之學宮嘉定間改築新祠淳祐間郡

守吳淵依白鹿洞規建理宗賜明道書院額元圮明嘉靖初御史盧煥卽其址爲書院祀程子其中歲久復傾國朝康熙六年知府陳開虞推官謝銓倡修復舊制

初大程子嘗爲上元簿攝邑事

景定建康志建隆以來年表嘉祐四年程顥主上元簿攝邑事均田塞隄及民之政爲多肺龍折竿教民之意亦備詳見本傳景定志卷四十七正學傳載程子事故云

孝宗時祠于學寧宗時改築新祠立精舍置堂長及職事員延致學者時稱明道先生書堂

真德秀明道先生書堂記先生之仕也嘗主江南之上元簿考其設施若均田賦興水利息邪說正人心等事皆天理之流行著見者也中更變故鄉之人士罕有能言之者乾道中按此語誤當依景定志作淳熙劉璘以淳熙二年知府事資政殿大學士劉公珙知府事始祠先生于學宮而侍講文公先生實爲之記則既較然昭著而足以風厲學者矣其後主簿趙君師秀復卽廨舍之前爲屋數楹以寓尊事之意而庠隘弗稱嘉定甲戌臨川范君和嗣居其職始請于帥守莆田劉公渠增而大之德秀時將漕焉捐金三十萬粟二千斛以助之未幾豫章李公珪繼至咸相其役爲堂三間中嚴像殿而扁之曰春風其上爲樓高明潔清內爲齋二東曰主敬西曰行恕後爲小室焉曰讀易外爲齋一曰近思齋之側爲亭曰靜觀又爲兩廡翼之而刻表墓與河南雅言于其壁

景定建康志淳熙初忠肅劉公珙祠程子于學宮朱文公爲之記紹熙間主簿趙君師秀來居其官卽聽事西偏繪像祠之嘉定乙亥主簿范君和復請于太守劉公渠乃于簿廨之東得鈴轄舊廨之地改築新祠部使者西山真公捐金三十萬粟二千斛以助之未幾李公珪來繼劉公咸相其役前護重門中儼祠像扁其堂曰春風上爲樓旁二塾曰主敬曰行恕名其泉曰澤物表其坊曰尊賢旣成率郡博士及諸生行舍菜禮于是春秋中丁率爲盛典置堂長及職事員延致好修之士西山嘗記其事刻諸石

理宗時賜明道書院額規制益備

專著 江蘇書院志初稿

江蘇省立國學圖書館第四年刊

四

景定建康志崇重未幾忽就廢堂宇雖存講肄闕如遂爲軍儲賓寓之所淳祐己酉二月天大雷電書閣忽災退庵吳公因更創之閣視舊益偉下爲春風堂聘名儒以爲長招志士以共學廣齋序增廩稍倣白鹿洞規以程講課士趨者衆聖天子聞而嘉之親灑明道書院四大字賜爲額與四書院等寶祐丙辰裕齋馬公得西山斷碑于瓦礫中重刻之跋其後開慶己未馬公再建大闢視事之始與部使者率僚屬會講于春風堂聽講之士數百乃屬山長修程子書刻梓以授諸生給田以增廩而教養之事備焉

又祠堂居中三間廣四丈深三丈中設塑像榜曰河南伯程純公之祠東西兩廊各一十五間 御書閣在春風堂之上五間廣八丈深四丈嚴奉宸翰環列經籍 春風堂在祠堂之後七間廣十丈深五丈蓋會講之所也中設講座四圍設聽講位臨塔垂簾前築一臺植以四桂 主敬堂在春風堂之北三間廣三丈八尺深二丈三尺蓋會食會茶之所也庭中荷池前植三槐 燕居堂在主敬堂之後山長張顯設先聖及十四賢神位于堂中 山長位在主敬堂之左 堂長位在主敬堂之右 堂錄位在主敬堂上之左 講書位在主敬堂後之右 職事位二所一在春風堂上之右一在春風堂後 尚志齋三間在主敬堂前東序之南明善齋三間在主敬堂前西序之南敏行齋三間在主敬堂前東序之北成德齋三間在主敬堂前西序之北省身齋在春風堂前之左係續添養心齋在春風堂前之右係續添 公廚在主敬堂前東序之後 米廩在主敬堂前東序之南 錢庫在主敬堂前西序之南 直房在公廚之側 蔬園在書院之右 后土祠居大門內之左 中門屋三間廣四丈深二丈五尺揭御書明道書院四字于楣左爲幕次右爲吏舍 大門屋三間廣四丈四尺深一丈八尺左右設板線垣牆

又帥府累政撥到田產四千九百八畝三角三十步歲入米一千二百六十九石有奇稻三千六百六十二斤菽麥一百一十餘石折租錢一百一十貫七百文又有白地房廊錢本府每月撥下贍士支遣錢五千貫十七界官會并蘆柴四十束錢糧官掌其出納所支供俸有差歲終有會 月俸山長一百貫錢糧官二十貫堂長一百貫米二石堂錄六十貫米一石五斗講書五十貫米一石五斗堂賓二十六貫米一石二斗直學二十四貫米一石二斗講賓一十七貫米一石二斗司計一十五貫米一石二斗掌書一十五

買米一石二斗掌祠一十四買米一石二斗齋長一十買米一石正供生員每名五買醫藥米七斗 日供職事生員米二升五合造食錢三百文山堂長貼食錢七百文堂錄講書貼食錢五百文堂賓至齋長貼食錢二百文各照親書食簿支送不行供者不支宿齋職事生員每夜支油錢二百文堂長堂錄講書每夜支油二兩各照親書宿齋簿支送不宿齋者不支寒月送炭山長入堂日支五斤堂長日五斤堂錄講書日各三斤衆職事生員日各二斤自十月初一日爲始至正月終住支行食宿齋者全支不宿齋者半支凡支錢并用十八界官會凡支米並用文思斛斗

又一春秋釋菜朔望謁祠禮儀皆倣白鹿書院 一士之有志于學者不拘遠近詣山長入狀簾引疑義一篇文理明通者請入書院以杜其泛 一每旬山長入堂會集職事生員授講籤講覆講如規三八講經一六講史並書于講簿 一每月三課上旬經疑中旬史疑下旬舉業以孟仲季月分本經論策三場文理優者傳齋書德業簿 一諸生德業修否置簿書之掌於直學參考黜陟 一職事生員出入並用深衣 一請假有簿出不書簿者罰 一應書院士友不許出外請謁投獻違者議罰有訟在官者給假事畢日參 一請假逾三月者職事差替生員不復再參 一凡謁祠聽講供課若無故而不至者書於簿及三罷職住供 一凡職事生員犯規矩而出者不許再參

兼爲程子立後館之官宇供其衣廩。

景定建康志先是朝廷會割池州選擇伊川五世孫曰偃孫者爲之後前政馬觀文以是邦明道書堂在焉迎就教育併其母會館之官宇月給有差未及兩載而偃孫亡曾母無依先賢弗嗣景定三年據學官中途再行下池州訪問據申選到程掌儀必貴兄程子材男慶老年方十歲生質厚重家世詩書可爲明道之後於是擇日行釋菜之禮告於純公之祠立爲偃孫之子命名幼學俾職掌祠就學于其叔父程掌儀旬有課程講學不廢 掌祠程幼學送五百貫十七界置衣服 祖母曾氏送五百貫十七界爲衣被之用 生父程子材送一千貫土絹四疋 建康府月支三百貫十七界米兩石一半付程掌儀收支爲曾母日逐供給之用一半椿

專著 江蘇書院志初稿

五

江蘇省立國學圖書館第四年刊

六

之書堂爲曾母衣服等用 明道書堂每日行供折錢月支四十五貫十七界米七斗五升撥過程掌儀家爲幼學日食之用 程掌儀必貴任教導之責書院月餽東修五十貫十七界米五斗

教養之事悉隸山長。

景定建康志置山長一員教養之事皆隸焉自建書院以來圖府于諸幕官中選請兼充景定元年以後從吏部注差

山長之著者曰吳堅、胡崇、朱龜孫、趙汝訓、潘驥、周應合、張顯、胡立本、翁泳。其開堂講義均載在景定志。彬平有鵝湖鹿洞之風焉。

景定建康志山長吳堅 淳祐十二年二月以江東撫幹兼充開堂講義題于曰吾十有五章 胡崇 淳祐十一年六月以江東撫幹兼充開堂講義大學之道一節 朱龜孫 寶祐二年口月以江東撫幹充開堂講義大學之道一節 趙汝訓 寶祐三年口月以建康簡推充開堂講義大學經一章 潘驥 寶祐四年口月以江東帥參周應合 開慶元年四月以江東撫幹充開堂講義 張顯 開慶元年閏十一月以添差江州教授權充景定二年正月除史館檢閱開堂講義博學之五 翁泳 以上元尉暫權開堂 胡立本 景定元年準吏部差正任通功郎充建康府明道書院山長四月初十日到任開堂講義大學之道一章

外此則蘇州有學道書院。

陳宜中學道書院記昔者夫子講道齊魯之郊從遊多北方之士由句吳之墟登聖門者獨吳公子游一人今常熟其故里也宋興崇尙文治吾夫子之祀徧天下雖以關雎大儒乾淳諸老得聖學于千載之後凡其過化之鄉悉示表章存矜式吳爲今輔郡公實東南學道之宗邑故有祠紫陽先生嘗記之矣而郡則未講非前此司民風者闕歟今樞密趙公順孫守吳日卜地于府城文正坊之南甫經始而召余友黃侯鏞繼之鳩工度材命元僚陳宗亮董其事三越月而堂成請于朝扁以學道書院取愛人易使之義而屬余記之

胡績宗重建學道書院記吳有學道書院尙矣孔門言子吳人也封吳公宋咸淳間知府黃公鏞奏立書院以祀公而教育其子孫故

址在郡城西南隅直錦帆涇之上元初奪于豪僧至元間山長祖宗震整改創之元末復奪于僧國朝又百五十餘年矣久不克復迹益湮晦嘉靖初續宗受命來守是邦按故籍得其概行視佛老之宮有曰景德寺者去故址數百武而近南臨通衢形勢宏敞欲卽是改爲之因請于巡撫廬陵陳公厠梧督學光山盧公煥巡按高安朱公實昌皆報可歲乙酉四月爰始興工撤其像設剝其丹腹追琢之逾制者而增葺之其南爲門稍北爲儀門又北爲堂中奠公主曰學孔堂堂之北爲師生講授之所曰文學堂堂之東西增作齋舍以居諸生之學道者凡若干楹又北爲樓曰弦歌樓聖而垣之四周凡若干丈須其成以聞于朝歲修祀事而擇弟子之優秀者俾講讀其中焉

乾隆蘇州府志學道書院祀吳公言偃初在府城東北隅舊長洲縣學南宋咸淳五年知府趙順孫改建於武狀元坊北普賢子院故址知府黃鏞繼成之奏以學道爲額選言氏與先賢後及民間俊秀教之別建殿曰燕居以奉先聖講堂曰師友淵源齋四曰正己選賢問禮知本撥官田以贍士又置育材莊專充言氏子孫費七年知府常楙建先賢祠於講堂西祀顏曾思孟左次澹臺子羽兩序列周程以下九賢至元二十九年山長祖宗震金德修市徐貴子橋高氏園第改建尋廢明嘉靖二年知府胡繼宗以景德寺改建門扁曰東南鄒魯堂曰學孔塑言子像於中後爲講堂堂後爲弦歌樓乾隆江南通志兩廡各五十楹十八年巡按御史趙繼本十九年巡按御史舒汀踵修三十年知府金城改爲督糧道署遷書院於其社學

和靖書院。

劉宰重建和靖書院記秘書丞永嘉曾君提舉常平茶鹽事於浙西一日領客登虎邱致敬於先正和靖先生尹公焞祠下慨然有懷初先生退自經筵來館於此猶榜曰三畏齋其持敬不倦如此後以其塔居會稽近以就養歿葬其地嘉定中郡守陳君希始因郡人黃士毅等請卽三畏齋之舊繪像建祠君以爲貌象之有嚴雖有慰典型之仰而佩衿之益遠寧能無城闕之嗟擬計積累之贏略仿先朝四書院之制立祠築室以舍學者買田收穀以食之而儲書其中事方權輿而知府事真寧張嗣古提點刑獄

專著 江蘇書院志初稿

七

江蘇省立國學圖書館第四年刊

八

前使者浚儀趙君立夫後使者南豐曾君穎秀復從旁與之且各捐資以助由是材不斲直工不斲庸指期而成 時端平乙未八月

鄭元祐重建和靖書院記 江南內附有司以府治東南陬故宋檢法廳事基常平提幹廳事基大德十一年山長王達卽檢法廳基建大成殿前無門徑旁無兩廡後雖克復故址而仍就簡陋元統二年新安吳晞顏來爲山長請于大府 今郡守道童公卽選從事某董程役而籍書院粒米之在廩糶之得中統鈔八千六百貫輦大成殿卽新址而前爲儀門門少西爲先生祠又西爲土祠又西臨廣衢爲外門翼殿爲兩廡殿後習堂堂東齋曰六有總爲屋若干楹其工始于夏六月甫冬蓋十月而書院落成

袁裴遷尹和靖先生書院記和靖書院舊在虎邱西庵遺址久湮天水胡公繼宗來守茲土考道之暇大懼荒沒爲往昔養抑無以法將來卽故地祠而祀焉又以僻在郊外學者罕至乃徙祠于龍興寺榜其門曰和靖書院顏其堂曰三畏 選膠序弟子員弦誦其中

同治蘇州府志和靖書院在虎邱雲巖寺西宋和靖先生尹肅公燁于紹興間讀書虎邱西庵題其齋曰三畏嘉定七年知府陳芾度西庵隙地建祠祀之後二年孟猷改建于通幽軒之南端平間提舉曹爾請卽其地爲書院以和靖爲額建三省務本朋來時習四齋後提舉馬述又建君子堂嘉熙四年提舉陳振孫建藏書堂景定二年提舉陳淳祖建曹爾祠咸淳初提舉李芾建燕居堂以奉先聖元初爲寺僧所据延祐元年移置長洲縣治東烏鵲橋北至元中總管道童建殿廡門堂後廢明嘉靖二年知府胡繼宗以龍興寺廢基改復書院今廢

鎮江有淮海書院。

至順鎮江志淮海書院在府治西南斜橋之儒林里舊在北岡山西鳳凰池上宋淳祐中太常少卿高郵龔基先首議創立 宋端平丙午地京口時太常少卿龔基先調鄉士之修書院以敦養之時秘書修撰章瑛工部王夫平相與協成自于臺府餉使兼郡王檄然撥郡之勝地得鳳凰池因卜築焉凡淮海書院之持庵者皆捐金致助經始於淳祐戊申之春會李迪來守是邦徐東繼以總領兼郡極力經營累年始就復以其事白于朝有旨以淮海書

院爲額時買似道爲兩淮制置使助錢五萬貫及撥元貞改元教授黃一龍攝書院事輟歲租之贏以置今所凡爲屋八十楹有奇即工部王然

草創未備也江浙儒學副提舉陳友龍記

其文略曰永嘉黃君典教古潤初是邦淮海精舍事於緒流有年二事者適以事去乃謀攝職于廉使王公侯因及黃君曰可屬焉果慨然興復力擗浮費以至元鈔八百緡得屋八間諸肄庭廡各有次獨廟貌未稱即鳩工度材

拓地建禮殿殿飛壯觀觀者有光非剛毅有規畫者不至此今特及瓜余因紀其事以爲同志勉且使後之覽者有所考君名一龍字國寶嘗以茂異舉云

碑在路學淵源堂之東累任繼葺然後苟完

先聖廟大成殿三間元

貞元年教授黃一龍建並立靈星門塑聖師十哲像舊址狹隘不足以容殿宇乃復買民居悉撤之以建斯廟戟門三間大德三

年山長楊如山建東西廡二十間九年山長曹鑑建並繪從祀諸賢於壁鑿池戟門之南而橋其上殿後行廊七間延祐三年山長

于泰來建先賢祠在廟後西北隅以樞密孝肅包公節孝處士徐公賢良淮海秦公龍圖高郵孫公右史宛邱張公少卿壽昌朱

公丞相履齋吳公樞密潛齋王公殿撰立庵張公常卿恕齋龔公徵猷愛梅李公丞相矩堂董公制府察使湯公常卿處一王公康

州太守趙公尙書勉齋徐公制使端明賈公工部以虛王公總管練使陸公制使習慧邱公爲一祠皆淮鄉先達及創置書院者也

地靈祠即前堂東室爲之祭器庫一間在殿西北偏明倫堂五間堂之兩廡爲六齋曰博文約禮尊老育材明德達道大

學齋五間在堂前西北隅書樓二間在明倫堂後學廩在明倫堂南公廚在明倫堂西北德音齋一間在學門之內山

長公廡十二間在學門之南大德九年山長曹鑑買民居爲之祭器舊因書院被奪皆爲緇流所毀後雖草創不中儀式大德十

年山長曹鑑始冶銅爲之鑄尊象尊尊山尊尊尊大尊各二尊洗各一尊十八尊各五十二豆八十杓五祭服深衣唐巾各二十五學產田一百三十五頃

七十畝二分六釐地五十五頃四十九畝一釐三毫山九十二畝四分一毫水池一畝租稅糧四千三百九十七石二斗

七升五合六秒鈔三百二十九貫八錢六分

光緒丹徒縣志淮海書院初在北固山鳳凰池宋淳熙中太常少卿高郵興基先肇議創立以居淮士之游學者祕書修撰張琰工部

王夫亨郡守王瑩李迪總領徐桌相與協成理宗御書四字賜爲額元至元中併入甘露寺元貞元年教授黃一龍重建於儒林里

明初併入縣學嘉靖甲申遷學於壽邱山麓以其地爲總軍府

專著 江蘇書院志初稿

九

江蘇省立國學圖書館第四年刊

一〇

又淮海書院山長題名 龔璣 商袞 程國輔 郭景星 鄭參 田德剛 馬應龍 李桂子 劉向榮 王天覺 郭麟孫
楊如山 趙彥鐸 曹鑑 趙辰孫 包國華 胡天興 朱翔龍 于泰來 貢師仁 張汝玉 夏子雲 王士雲 邱公佐
徐俊明 黃國用 楊訓文

濂溪書院。

至順鎮江志濂溪書院在府治東南定波門內爲屋凡十有七楹初書院在鶴林門外黃鶴山下宋寶祐中郡守徐東建以奉元公以處四方之士堂三曰晞賢曰立善曰養心齋二曰正道曰和德亭二曰愛遠曰光風霽月

濂溪周先生父宰桂嶺卒于官奉母仙居太君鄭氏自先生隨侍居于精舍時天壽九年先生年十有五母卒遂葬于潤寶祐癸丑郡守徐東開先生幼而學于斯歿宜祀于斯今在在祠潤乃先生素跡所履獨未之建于典爲國乃相攸視土中立廟堂以明道伊川配食以郡博士兼山長領之景定五年始專由官府委法曹司其出內時鄉士歸郡庠准士歸淮海書院此則四方之士萃焉歲入視淮海不遠其錢取之郡帑云 山長徐蘇孫再創于皇祐橋之南大德九年廉訪分司視學謂棟宇湫隘非致崇奉之意命郡學及淮海書院鳩錢

置今所 燕居堂三間 元公祠二間在燕居堂後 祭器以銅爲之爵四站四豆三爐二瓶四 學產田八頃三十七畝六分九釐九絲地一頃四十畝九分一釐二毫一絲山一頃七十四畝二分三釐七毫五絲 租稅糧一百九十五石四斗一升七合 鈔一百二十五貫一錢

丹徒縣志濂溪書院初在黃鶴山下宋元公周濂溪先生讀書處也公奉母依舅氏鄭龍圖居潤母卒遂葬焉讀書鶴林寺傍寶祐中郡守徐東即其地建書院奉之有堂三齋二亭二元初併入鶴林寺山長徐蘇孫再創于皇祐橋南大德九年廉訪使命改置于利涉門故東北外城門名 內花山下有元公祠燕居堂後圯明萬曆間知縣龐時雍復祠公于鶴林寺西

又濂溪書院山長題名 徐蘇孫 繆進德 堯允恭 陰德隆 杜文岡 趙友光 章昇 趙因 沈天佑 李侯諮 郭登龍
張矩 苗從舜 吳熙 王翥 王璧 張英發 汪烜 湯植翁 戴昌宗 岑俊卿

金壇有申義書院。

至順鎮江志申義書院在金壇縣之希墟宋邑人太府寺丞張鎮建鎮文簡公綱之孫以其居去庠序遠因建書院招名師合族之子弟教之今廢

松江有九峯書院。

乾隆江南通志九峯書院初在松江府治西北宋時邑人衛謙建後趙驥以宋李綱生於華亭因祀綱於此明正德十一年同知侯自明奉提學張鰲山檄改建於谷陽門西

青浦有白社書院。

青浦縣志白社書院宋衛富益建在石神廟涇至大間毀

通州有文會學社。

光緒通州志文會學舍在學宮東宋嘉定中教授盧端誼建前爲堂左右有簡諒謹信二齋後爲直舍明嘉靖中同知舒纓重建中爲堂四左右學舍相向前後爲門左右有塾刊尙書桂萼規條於堂偏尋廢

泰州有安定書院。

泰州志安定書院在州治東宋提舉陳瑛創於方洲泰山之間以祀胡瑗歲久廢成化間提舉陳選塑像儒學中裏謙選於小西湖上弘治五年判官方岳移今地嘉靖間知府王臣重建又名泰山書院康熙五十七年知州魏錫祚重修乾隆五年知州段振蛟改名胡公書院嘉慶二年增修道光二年重修

退庵筆記道光州志附書院於學校詳其建制規條並歲出入之數而附院長題名於後爲舊志所無其院長題名自乾隆間李公道南始前此無可考矣案鄭所南先生撰其父菊山翁家傳云甲寅挈居吳門浙西倉台請爲尹和靖書院堂長淮東闔請爲泰州胡安定書院山長公環轍淮左浙右據坐皋比深衣竹笏講性理學一時學者翕然從之又姑蘇志卓行傳鄭思肖字僊翁號所南連江人父燮字叔起淳祐進學君子爲安定和靖二書院山長有菊山詩集泰之安定書院創於寶慶二年州守陳公坡甲寅爲宋理

專著 江蘇書院志初稿

一一

江蘇省立國學圖書館第四年刊

一二

宗寶祐二年距創院二十九年耳。關帥延菊山翁主講吾州。蓋慎其選也。具見一時尊崇師儒。講求實學。非若今之書院。官司視爲具文。吏胥視爲利孔。其流弊可勝言哉。然則安定書院院長前輩莫菊山翁若矣。後之修志者。慎勿忽諸。

泰興有馬洲書院。

泰興縣志馬洲書院宋咸淳中邑人孔元虔建。今廢。江陰王逢序馬洲書院孔聖五十二代孫元虔昆季所建也。其五世祖若罕高抗不羣。長於春秋。宋南渡自闕里將之。獨留滯泰興。見河流達南江。詢之老人曰。此龍開河也。西北通淮。泗因歎曰。吾洙泗龍泉之支流。其在此乎。遂築室河上。與其子端志各授弟子。業從游日衆。乃有田百畝。人助以力。官復其稅。戒子孫治生勿求富。讀書勿求榮。年六十卒。葬河之陽。端志克守父道。薦辟不就。淳祐二年冬。邑毀于北兵。元虔避地馬洲。咸淳間書院落成。教授復如初。然皆無後。今崇聖寺旁。惟破屋蔓草。遺像瓦墟而已。

靖江縣志舊馬洲書院起自聖裔元虔。原在西沙舊蹟已湮。按馬洲舊屬泰興。後屬靖江。故兩志均載之。崇禎十一年陳侯函輝就迎恩亭址擴之。仍其名國朝

鼎興以來。院宇悉燬于兵。僅存基址。西鄉聖裔改建于流泗港永甯橋。則以祀至聖爲祖師堂。納賦仍名馬洲書院。其西北半里許有孔元虔墓。乾隆二十八年衍聖公咨江蘇巡撫飭縣勒石另編圖里。永免孔氏差徭。厥後南門外基址亦坍沒矣。

又馬洲書院在南城內。原名正誼書院。乾隆十年楊侯逢泰因入官舊宅。新之門五楹。前廳五楹。講堂五楹。後室五楹。室旁側廈各兩楹。基地一畝二分二釐一毫。先後共捐置田一千三百六十六畝。有奇。賈侯益謙。篆篆時以靖舊有馬洲書院。因詳請易正誼二字。仍以馬洲名之。按此是新馬洲書院。非即宋時之故址。以其稱宋舊名。故附著于此。

儒風所扇。遍於大江南北。至陸忠烈讀書故址。及王俊義丁天錫等之書院。雖傳自宋時。徒以景仰名賢。標榜家塾。非若他書院之講學養士。

鹽城縣志陸公書院在建陽鎮。相傳爲陸忠烈公讀書處。